

**UGOVOR  
O IZRADI I MONTAŽI APOTEKARSKOG NAMJEŠTAJA**

između:

**JAVNA USTANOVA „APOTEKE SARAJEVO“**, sa sjedištem u Sarajevu, na adresi Kranjčevićeva 29, registrovana kod Općinskog suda u Sarajevu pod matičnim brojem (MBS): 65-05-0014-12 identifikacijski broj: 4200280090003, PDV broj: 200280090003, koju zastupa generalni direktor Nedim Hrelja, mr. ph. MBA (dalje u tekstu kao: *“Naručilac”*)

i

**2. ALPROM D.O.O. Sarajevo**, ID: 4200053940009, Paromlinska 45, koje zastupa Alić Adnan, direktor, (u daljem tekstu kao *“Izvođač”*)

**I PREDMET**

**Član 1.**

Ugovorne strane su saglasne da se ovim Ugovorom o izradi i montaži apotekarskog namještaja (u daljem tekstu: Ugovor) regulišu međusobna prava i obaveze Naručioca i Izvođača u pogledu izrade i montaže apotekarskog namještaja i izvođenja ugovorenih radova, na način i pod uslovima kako to predviđaju naredni članovi Ugovora.

**Član 2.**

- (1) Izvođač se obavezuje na izvođenje zanatskih radova radi izrade i montaže apotekarskog namještaja (nadalje u tekstu kao *„oprema“* u poslovnim objektima „Centralne apoteke“, na adresi Maršala Tita br. 40, Sarajevo i Apoteke „Stari Grad“, na adresi Fra. Grge Martića br. 2, Sarajevo, a sve u skladu sa usvojenom Ponudom Izvođača broj: 13/20 od 25.02.2020. godine (u daljem tekstu: Ponuda izvođača), koja se nalazi u prilogu Ugovora, a čiji sastavni dio čini Predmjer radova.
- (2) Ugovoreni radovi obuhvaćaju:
  - stolarske i instalaterske radove;
  - isporuku opreme;
  - montažu, povezivanje i puštanje opreme u rad.
- (3) Radovi moraju biti izvedeni u svemu prema:
  - Ugovoru;

- Prihvaćenoj ponudi izvođača;
- Predmjeru radova.

## II VRIJEDNOST RADOVA

### Član 3.

- (1) Ugovorne strane saglasno konstatuju da vrijednost ugovorenih radova koje će Izvođač izvesti po Ugovoru iznosi:

Vrijednost radova bez PDV-a	17.500,00 KM
<u>PDV po stopi od 17%</u>	<u>2.975,00 KM</u>
<b>Vrijednost radova sa PDV-om</b>	<b>20.475,00 KM</b>

Slovima: . Slovima:dvadesethiljadačetiristotinesedamdesetpet KM.

- (2) Cijena radova izvršenih od strane Izvođača utvrđuje se na osnovu stvarno izvedenih radova i količina, postignutog kvaliteta izvedenih radova, a u skladu sa jediničnim cijenama navedenim u Ponudi.
- (3) Jedinične cijene radova navedene u Ponudi su fiksne i neće se mijenjati bez obzira na bilo kakve okolnosti.
- (4) Izvođač će izvesti i naknadne radove, ako se ukaže potreba za iste, nakon dostavljene Ponude i pismene saglasnosti od strane Naručioca.

## III ROK, NAČIN I USLOVI PLAĆANJA

### Član 4.

Plaćanje će se vršiti u roku od šezdeset (60) dana od dana završetka i prijema radova.

## V POČETAK RADOVA I ROK ZA ZAVRŠETAK RADOVA

### Član 5.

Izvođač će započeti sa izvršavanjem ugovorenih radova na poslovnim objektima kako slijedi:

**„Centralna apoteka“:**

- Početak radova: na dan 04.07.2020. godine.
- Završetak radova: na dan 05.07.2020. godine.

**Apoteka „Stari Grad“:**

- Početak radova: na dana 11.07.2020. godine.

- Završetak radova: na dan 12.07.2020. godine.

#### **Član 6.**

- (1) Izvođač ima pravo na produžetak roka završetka radova u slučajevima više sile i u slučaju da se zbog izmjena zahtjeva Naručioca, obim radova povećao za više od 10%.
- (2) Kao slučajevi dejstva više sile smatraju se događaji vezani za predmet rada Ugovora, koji su kao takvi predviđeni Zakonom o obligacionim odnosima.
- (3) Ukoliko nastupe promijenjene okolnosti ili događaji zbog kojih je Izvođač bio spriječen u izvođenju radova dužan je da od Naručioca, pismenim putem zatraži produžetak roka završetka radova sa detaljnim obrazloženjem, odmah po nastupanju ovih okolnosti ili događaja.
- (4) Ukoliko Izvođač ne postupi po odredbi prethodnoga stava, gubi pravo na produžetak roka završetka radova.

#### **Član 7.**

Ugovorne strane saglasno konstatuju da se pod danom završetka radova smatra dan kada su ovlašteni predstavnici Naručioca i Izvođača pismeno konstatovali da su svi ugovoreni radovi završeni bez nedostataka.

### **VI USLOVI USTUPANJA RADOVA**

#### **Član 8.**

Odredbe ovoga Ugovora ne daju Izvođaču pravo da ugovorene radove ili neke od ugovorenih radova ustupi drugom izvođaču- podizbođaču ili kooperantu, bez prethodne saglasnosti Naručioca.

### **VII PRAVA I OBAVEZE UGOVORENIH STRANA**

#### **Član 9.**

- (1) Naručilac je dužan:
  1. da preda Izvođaču svu tehničku dokumentaciju koja se odnosi na poslovni objekat u kojem se vrše radovi;
  2. da poštuje ugovoreni način plaćanja radova;
  3. da omogući izvođaču neometan pristup objektu u skladu sa usvojenom dinamikom;
  4. da vrši kontrolu izvođenja radova i daje Izvođaču potrebna uputstva u pogledu redosljeda i dinamike izvođenja istih;
  5. da odredi svoje ovlaštene predstavnike na realizaciji radova po ovom Ugovoru.
- (2) U svrhu izvršenja obaveza iz stava (1) ovoga člana, Naručilac će da angažuje stručni nadzor nad izvođenjem ugovorenih radova.

(3) Izvođač je dužan:

1. da se prije početka izvršenja obaveza iz Ugovora i izvođenja radova upozna sa stanjem objekta u kome se izvode radovi;
2. da izvrši sve pripremne radnje u vezi sa otpočinjanjem ugovorenih radova, kao i da ispoštuje i primjeni sve mjere sigurnosti i obezbijedenja u vezi sa ugovorenim radovima na poslovnom objektu;
3. da po potpisivanju Ugovora odredi odgovornog rukovodioca radova i ovlaštene predstavnike na realizaciji radova po ovom Ugovoru;
4. da se prilikom izvođenja ugovorenih radova pridržava svih relevantnih propisa (zakona, podzakonskih akata, tehničkih normativa, standarda i normi kvaliteta);
5. da radove završi u ugovorenom roku i sa ugovorenim kvalitetom;
6. da garantuje za ispravnost i kvalitet ugovorenih radova u skladu sa zakonom i odredbama Ugovora.

(4) Ugovorne strane se obavezuju da će se međusobno informisati o svim činjenicama koj su bitne za izvršavanje Ugovora.

#### **Član 10.**

- (1) Izvođač je dužan da se prilikom izvršavanja svih ugovorenih radova pridržava svih obavezujućih propisa, uključujući sve tehničke norme, važeće zakone i pozakonske akte, pravila i standarde struke.
- (2) Izvođač se naročito obavezuje da će se pridržavati svih radno-pravnih propisa, propisa o zaštiti na radu, kao i propisa o zaštiti okoline i raspolaganju otpadom.
- (3) Izvođač se obavezuje da će se prilikom izvršavanja radova pridržavati uputstava i naloga Naručioca.
- (4) Izvođač je dužan da Naručioca redovno informiše o napredovanju radova kao i o svim događajima koji bi mogli da utiču na izvršenje ugovorenih radova.
- (5) Izvođač je dužan da učestvuje u radu Komisije za prijem izvedenih radova i da ukloni sve eventualne nedostatke na svojim radovima, uočene od strane Komisije u utvrđenom roku.

### **VIII PRIMOPREDAJA RADOVA I OPREME**

#### **Član 11.**

- (1) Izvođač se obavezuje da nakon završetka radova, pismeno izvjesti Naručioca o završetku ugovorenoga posla.
- (2) Zvanična primopredaja svih ugovorenih radova će biti izvršena potpisivanjem Zapisnika o primopredaji.
- (3) Rok za prijem radova iznosi 3 (tri) dana od dana prijema obaviještenja od Izvođača da su isti završeni.

## **IX GARANTNI ROK**

### **Član 12.**

Izvođač garantuje Naručiocu da će isporučena oprema biti ugovorenih karakteristika i ugovorenoga kvaliteta i da će svojim svojstvima odgovarati važećim propisima koji definišu zdravstvenu i opštu bezbjednost, uslove zaštite životne sredine, kao i da će odgovarati kvalitetu utvrđenom proizvođačkom specifikacijom koja predstavlja opis sastava svakoga proizvoda i biti usklađena sa zakonskim propisima i važećim standardima u BiH.

### **Član 13.**

Izvođač daje garanciju za izvedene radove u trajanju od 2 (dvije) godine, od dana primopredaje radova.

### **Član 14.**

Izvođač se obavezuje da će u garantnom roku, o svom trošku, otkloniti sve nedostatke i mane nastale njegovom krivicom, a koje se odnose na saobraznost i kvalitet izvedenih radova, kvalitet ugrađenih elemenata i opreme.

## **X KAZNENE ODREDBE I ODGOVORNOST ZA ŠTETU**

### **Član 15.**

- (1) Ukoliko Izvođač svojom krivicom ne završi ugovorene radove u roku utvrđenom Ugovorom, dužan je da na ime ugovorene kazne plati Naručiocu 0,1 % od ugovorene vrijednosti radova za svaki dan kašnjenja, s tim da ukupan iznos kazne ne može prijeći 5% ukupne vrijednosti Ugovora.
- (2) Izvođač je u obavezi da nadoknadi trećim licima svu štetu nastalu tokom izvršenja ugovorenih radova, zbog nepoštivanja tehničkih propisa, normativa i standarda rada.
- (3) Izvođač oslobađa Naručioca odgovornosti naknade štete svim trećim licima nastale zbog kršenja odredbi Ugovora od strane Izvođača.

## **XI RASKID UGOVORA**

### **Član 16.**

Ugovorne strane su se saglasile da Ugovor mogu raskinuti sporazumno, u kom slučaju će sporazumom o raskidu ugovora regulisati svoje međusobne odnose.

### **Član 17.**

- (1) Raskid ovoga Ugovora moguć je i u slučaju neispunjavanja ugovorenih obaveza ili materijalne povrede Ugovora od strane jedne ugovorne strane.

- (2) U slučaju iz stava (1) ovoga člana, ugovorna strana koja nije skrivila raskid, ima pravo da raskine Ugovor upućivanjem drugoj ugovornoj strani pisanog obaviještenja o raskidu, sa ili bez ostavljanja otkaznog roka.
- (3) U slučaju raskida ugovora po bilo kom osnovu, ugovorne strane su obavezne da bez odlaganja međusobno izmire sve svoje obaveze nastale do dana obaviještenja o raskidu i /ili vezano za raskid Ugovora. U tom slučaju dejstvo raskida nastupa danom izmirenja svih obaveza ugovornih strana.
- (4) Raskidom Ugovora zbog krivice jedne ugovorne strane nastaje obaveza ugovorne strane koja je skrivila raskid da nadoknadi štetu drugoj ugovornoj strani koju je ona pretrpila zbog raskida. Šteta će se utvrditi u posebnom postupku.

## **XII ZAVRŠNE ODREDBE**

### **Član 18.**

- (1) Svaka ugovorna strana se obavezuje da će čuvati povjerljive podatke druge ugovorne strane do kojih je došla tokom realizacije Ugovora. Klauzula povjerljivosti će ostati na snazi tokom perioda važenja Ugovora kao i 5 (pet) godina nakon prestanka važenja Ugovora.
- (2) Povjerljivi podaci mogu biti otkriveni samo uz pisano odobrenje druge ugovorene strane, osim ukoliko obaveza otkrivanja tih podataka nije naložena zakonom.

### **Član 19.**

- (1) Na sve što nije regulisano ovim ugovorom primjenjuju se odredbe relevantnih zakonskih propisa.
- (2) Svi sporovi koji nastaju iz ovoga Ugovora rješavaju se sporazumom ugovornih strana.
- (3) U slučaju da se nastali spor ne može riješiti na način opisan u prethodnom stavu ovoga člana, rješavat će se pred stvarno nadležnim sudom u Sarajevu.

### **Član 20.**

Sastavni dio ovoga Ugovora čine Ponuda izvođača sa predmjerom radova.

### **Član 21.**

- (1) Sve eventualne izmjene i dopune Ugovora sačiniti će se pismenim putem zaključivanjem odgovarajućeg Anexa uz Ugovor, koji mora biti potpisan od strane ovlaštenih zastupnika obje ugovorne strane.
- (2) U slučaju da se neka odredba Ugovora smatra ne zakonitom ili ne sprovodivom ostale odredbe Ugovora ostaju na snazi.
- (3) Ugovor predstavlja cijelokupni sporazum ugovornih strana u pogledu pitanja navedenih u Ugovoru i ima veću zakonsku snagu od svih prethodnih razgovora i sporazuma među njima.
- (4) Ugovor stupa na snagu danom obostranog potpisivanja ovlaštenih zastupnika ugovornih strana.

**Član 22.**

- (1) Ugovor je sačinjen u 4 (četiri) istovjetna primjerka, od kojih 2 (dva) pripadaju Naručiocu, a 2 (dva) Izvođaču.
- (2) Svaki uredno potpisan Ugovor ima značenje originala i proizvodi podjednako pravno djestvo.

Nakon provedene procedure konkurentskog postupka, na način i po postupku predviđenom odredbama Zakona o javnim nabavkama BiH, zaključuje se

JU „Apoteke Sarajevo“  
Nedim Hrelja, mr. ph. MBA  
Generalni direktor

Alprom d.o.o.  
Adnan Alić, dipl. ecc.  
Direktor

Broj: 01-03/444/20

Broj: 39/20

Sarajevo, 18.06.2020. godine